



Acta sanctorum

quotquot toto orbe coluntur, vel a catholicis scriptoribus celebrantur, quae
ex Latinis et Græcis, aliarumque gentium antiquis monumentis

XI priores dies complectens

Bolland, Johannes

Parisiis et Romae, 1863

Prætermissi Vel In Alios Dies Rejecti.

[urn:nbn:de:hbz:466:1-72708](https://nbn-resolving.org/urn:nbn:de:hbz:466:1-72708)

VII JANUARI.

SANCTI QUI VII ID. JAN. COLUNTUR.

- Relatio pueri JESU ex Ægypto.
 S. Julianus Martyr.
 S. Spolicostus }
 S. Palladas } Martyres, in Græcia.
 S. Candida }
 S. Crispinus I, Episcopus Ticinensis, in Italia.
 S. Felix }
 S. Januarius } Martyres, Heracleæ.
 S. Polyanthus }
 S. Philo } Martyres.
 S. Candida }
 S. Julianus, Martyr, apud Andegavos in Gallia.
 S. Senator, Episcopus Veronensis, in Italia.
 S. Lucianus, Presbyter Antiochenus, Martyr.
 S. Clerus, Diaconus Martyr, Antiochiæ.
 S. Theodorus, monachus in Ægypto.
 S. Nicetas, Episcopus in Dacia.
 S. Valentinus, Episcopus Passaviensis, in Germania.
 S. Crispinus III, Episcopus Ticinensis, in Italia.
- S. Valentinus II, Episcopus Interamnensis, in Italia.
 S. Cedda, sive Cedduus, Episcopus Londinensis, in Anglia.
 S. Tillo, sive Hillonius, cognomento Paulus, Solemniaci, in Gallia.
 B. Wittkindus, Dux Saxonum, Angariæ, in Westphalia.
 S. Reinoldus, monachus Martyr, Tremonia, in Westphalia.
 S. Aldricus, Episcopus Cenomanensis, in Gallia.
 S. Anastasius, Episcopus Senonensis, in Gallia.
 B. Vitalis, Abbas Saviniacensis, in Gallia.
 S. Canutus, Dux Slesvicensis, in Dania.
 B. Albertus, Eremita in Etruria.
 S. Raymundus de Pennaforti III Generalis Ord. Prædicator.
 S. Benjamini Martyrum Inventio, Brixia, S. Maximi in Italia.
 Venerabilis Ludovicus Blossius, Abbas Lætiensis, in Belgio.

PRÆTERMISSI VEL IN ALIOS DIES REJECTI.

- Tres Reges Magi. *Galesin in Notis. De his nos I, VI, XI Januarii et de eorum translatione* xxiii Julii.
- S. Isidorus Episcopus. *Maurolyc. ms. Florarium, Galesinius: hic Martyrem facit, et Nicomedia passum, veteris ms. fide. Idem est fortassis, qui Antiochiæ coli dicitur, de quo* ii Janua.
- S. Timotheus }
 S. Lucianus } Martyres, in Africa. *Galesinius, ex perveteri Kalendario Ordinis monachorum Vallis Umbrosæ. Celebratur in Martyrol. Romano xiii Junii. Lucianus in Africa passus cum Fortunato, non Timotheo.*
- Melania senior. *Carthusiani Colon. in Addit. ad Usuardum, et ms. Florar. At Ferrar. xxi Januarii. Nobilissima et religiosissima hæc matronam magnam suæ virtuti labem aspersit, dum in Origenis errores visa est descivisse, Ruffino doctore; a quibus tamen sub extremos vitæ annos eam resiliisse existimamus. Sed an ut Sancta uspiam colatur, haud comperimus. Multa de ea extant in vitis Patrum.*
- S. Victorinus Abbas, qui scripsit Calculum. *Ita ms. Kalendarium Sanctorum Ordinis S. Benedicti. Verum Calculi auctorem puto eundem esse Victorium, sive Victorinum, aut Victorem Aquitanum, cujus Cyclum Paschalem nuper vulgavit Ægidius Bucherius Noster; qui neque Sanctus alibi appellatur, neque potuit esse Ordinis S. Benedicti, quippe multo S. Benedicto antiquior. Extat Calculus hic ms. in Bibliotheca Lobensi.*
- S. Kentigerna vidua, refertur a Davide Camerario, et Ferrario. *Certius quid fortassis aliunde consequemur.*
- S. Sabini Translatio. *Maurolyc. Plures sunt SS. Sabini. Quis hoc die translatus sit, nusquam reperi.*
- B. Matthæus Ord. S. Francisci Episcopus Agrigentinus in Sicilia, commemoratur ab Octavio Cajetano Nostro in *Idea Sanctorum Siciliae, et Philippo Ferrario in generali catal. SS. At Lucas Wadingus tom. 2 Annal. Minor. ad an. 1300. num. 13 ejus obitum narrans, non indicat eum publico aliquo cultu celebrari. Ideo eum hic omitto.*
- Mariæ Raggiæ illustris vita extat typis vulgata *Barcnone anno mdcvi auctore Michaelo Lot a Ribera Ord. Prædicator. aliaque auctore Joanne Petro a Caesar augusta ejusdem Ordinis, Latine reddita ab Arnaldo Raissio Duacensi. Sed quod nesciam an sancte Sedis auctoritate colatur, nullaque in ea commemorentur miracula, malui eam hic omittere, quam nuperum S. P. N. Urbani VIII, decretum videri vel leviter transgressus.*
- S. Julianus Diaconus refertur hoc die a Ferrario in *Catalogo generali, et SS. Italiae, ex tabulis Ecclesiæ Novariensis. Ejus ac Julii fratris vitam dabimus* xxxi Januar.
- S. Polyeuctus Melitinæ. *Martyrol. ms. S. Hieronymi, et ms. Rhinoviense. Eundem esse arbitror, de quo infra* xiii Februar.
- S. Valentinus Episcopus Tungrensensis. *ms. Florar. in quo iterum ix Julii commemoratur. Nos de eo agemus* vii Junii.
- B. Elizabetha de Wans, virgo vidua, monialis Aquariensis in Belgio, refertur hoc die in *Kalendario Cisterciensi Divione an. mdcxvii edito; ab Arnaldo Raissio ix Octob. a Chrysostomo Henriquez, quem sequemur, in Menologio Cisterciensi* i Julii.
- S. Canutus Rex Daniae et Martyr refertur hoc die in *Martyrol. Romano; at colitur, quo et vitam ejus dabimus* x Julii.
- S. Hathebrandi Abbatis Antiqui-monasterii in ditone Groeningensi, hoc die translate sunt Antverpian reliquiae anno mdcxx meminit Chrysostomus Henriquez in *Menol. Cisterc. et Andreas Saussayus in Martyrol. Gallicano. De eo agemus* xxx Julii.
- S. Joannis Baptistæ dextera hoc die a Jobo Diacono Antiochia allata Constantinopolim, tempore Constantini et Romani Imperatorum: fitque ejusdem sanctissimi Præcursoris hac die commemoratio, ut ex Græcorum Menæis patet, et Notatione Pet. Galesinii ad *Martyrol. De ea translatione agemus xxix Augusti.*
- S. Fausta Virgo et Martyr cum Evilasio. *Hraban. Notker.*

Notker. ms. S. Maximini, Carthus. Colon. in Addit. ad Usuard. Nos cum Martyrol. Romano xx Septemb. Amadeus ex Abbate Altae-cumbæ Episcopus Lausannensis, hoc die refertur et Beatus appellatur a Chry-

sostomo Henriq. in Menologio Cisterc. De eo agemus xxvii Sept. Melania junior. Martyrol. Germanic. Nos xxxi Decembris.

EX VARIIS.

NOT. 140.

RELATIO PUERI JESU.

VII JANUARIJ.

Celebratur in Martyrologiis, Romano, Bedæ, Usuardi, Adonis, Wandelberti, Notkeri, Maurolyci, veteri Romano, Germanico, ms. Florario, vii Idus Januarii, Pueri JESU relatio, sive educio ex Ægypto. De qua consuli possunt sacræ Scripturæ Interpretes. Quo anno acciderit, alibi fortassis di-

sputabimus. Alii xi Januarii hanc relationem referunt. Quo die Notkerus: Eductio Domini de Ægypto, quæ secundum alios vii Id. Januarii, secundum quosdam Nonis Januarii, propter multorum dierum profectio- nem, celebratur. Consentit Rabanus, et alii.

DE S. JULIANO MARTYRE.

VII JANUARIJ.

Celebratur vii Januarii in variis Martyrologiis, nominatim Romano, Bellini, Maurolyci, Galesinii, Molani Addit. ad Usuard, etc. S. Julianus Martyr. Locus tempusque martyrii non proditur.

NOT. 111.

L. Magnus Julianus Toleti Martyr.

2 In Chronico quod sub Fl. Dextri nomine editum est, ad an. xci, ista habentur num. 7. S. Julianus, civis Toletanus, Toleti patitur vii die Januarii. Fuit Episcopus. At quæ ita commentatur Franc. Bivarius: Ignorabatur hactenus quis ille Julianus fuisset, latinitque Baronium: sed nunc Dextri Chronico manifesta multa fiunt, quæ sine eo ignorabantur. Ad annum vero lxxxvi, nu. 6, idem Chronicon: S. Julianus discipulus S. Petri, Martiali carus, Vicum transferatur. Interpretatur hæc Bivarius, eo anno, Domitiani Cæsaris jussu, Roma relegatum in Hispaniam. Et fuere quidem loca nonnulla apud Hispanos, quibus Vici nomen impositum. Addit Bivarius, ante S. Eugenium (de quo xv Novemb. agemus) civibus suis Toletanis Evangelium prædicasse, fuisseque Toleti et totius Carpetania Episcopum vocatum. Ut probet Martiali carum fuisse, aliquot recitat epigrammata ad L. Julium scripta; quæ (ut fatear quod sentio) levis est conjectura. Sane Eugenium fuisse primum Toletanorum Apostolum, Franciscus Pisa in Toleti descriptione, aliique tradidere Auctores. Iterum de Juliano. Dextri Chronicon ad anno xciv, num. 4. L. Magnus Julianus civis Toletanus et Martyr, in pretio habetur. Quod de habitis ei post mortem honoribus, patrisque miraculis Bivarius accipit. Sed hæc Toletanis accuratius discutienda relinquimus.

S. Julianus Martyr Calari.

3 Seraphinus Esquirrus Sanctuarii Calaritanipart. 1, lib. 2, cap. 26, testatur an. mxcv, xxii Julii, repertas esse Calari in Sardinia S. Juliani Martyris reliquias; ossa nimirum totius corporis, apte composita, singula suis locis, ac velut connexa, eaque grandia, caput integrum, tribus saucium plagis, occipite adhuc sanguinolento: in eodem tumulo lapidem juxta caput conditum, sanguine oblitum; unde conjici posset, lapidibus fuisse interemptum. Gemina prius inventa erat epigraphæ, quæ S. Juliani hæc esse pignora testaretur: prior litteris nonnullis vel humore corruptis, vel ipsa refossione con- vulsis, ita habebat:

IC IACET B. M. IVLIANVS
VI BIXIT ANNIS
NVS XC. REQVIEVIT
VIRGINIS PARTV

Eam epigraphen ita Seraphinus exponit: Hic jacet beatus Martyr Julianus, qui vixit annis plus minus xc, requievit in pace anno a Virginis partu.....

Altera inscriptio sic habet:

✠ B. M. IVLIANVS QVI VIXIT ANNIS PLVS
MINVS C. REQVIEBIT IN PACE SVB D X KAL
MARX

Discrimen ætatis ex omissa littera X ante C fortassis ortum.

4 Elsi vero xx Februarii occisus dicitur, coli tamen vii Januarii tradit Seraphinus, maxima celebritate, ingenti hominum ad ejus ecclesiam tribus milliari- bus Calari distantem concursu. Addit genere ac dignitate illustrem fuisse, pingique equestri forma solere, et pas- sim a Sardis appellari SANCTU JULIANU CONTI, quasi Comes fuerit. Eodem spectat, quod in ejus sepulchro repertus est medius annulus aureus, ac filamenta quoque aurea.

5 Philippus Ferrarius ii Januarii hunc refert his verbis: Carali in Sardinia S. Juliani Comitis et Martyris; traditque in Notis, magnam in tota insula venerationem habere, ejusque nomini complures dicatas esse ecclesias; sed tempus martyrii ignorari. Cur vero qui xx Februarii martyrio coronatus dicitur, colatur a Sardis vii Januarii, nos latet. Franciscus de Esquivel Archiepiscopus Calaritanus in Relatione inventarum reliquiarum ad Paulum V missa, eadem tradit de S. Juliani veneratione, sacrisque illi ecclesiis; atque in vicis circum Calarim dum sub Missæ initium Confiteor recita- tur, plerosque addere solere, etiam ante hanc inventio- nem, et S. Juliano Comiti.

6 Fateor hæc aliquanto probabiliora videri iis, quæ in Dextri Chronico dicuntur. Si tamen fuit ille Toleti Julianus, nihil ejus derogatum honori volumus. Quare iterum de S. Juliano Calaritano xx Februarii agemus, præsertim si interea certiora consequamur monumenta.

DE SANCTIS MARTYRIBUS

SPOLICOSTO, PALLADA, CANDIDA.

VII JANUARIJ.

Celebrantur hi in pervetusto ms. Martyrologio S. Hieronymi his verbis: Et in Græcia Spolicosti, Palladæ,

Candidæ. Plures reperiuntur Candidæ, sed nulla his juncta comitibus.

DE